

Շրժակի Զաբեթ

**ՎԵՐ ԿԱՅՔԻ ԵՎ ՏՎՅԱԼՆԵՐԻ ԿԱՌԱՎԱՐՄԱՆ ՀԱՄԱԿԱՐԳԻ
ՏԱՐԵԿԱՆ ՍՊԱՍԱՐԿՄԱՆ**

ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆԱԳԻՐ N

ք.Երևան

«20» դեկտեմբերի 2017 թ.

ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ն, այսուհետ՝ «Պատվիրատու», ի դեմս ընկերության տնօրեն Ա. Բազարյանի, որը •ործում է կանոնադրության հիման վրա, մի կողմից, և «Մեգապոլիս Լաբ» ՍՊԸ-ն, այսուհետ՝ «Կատարող», ի դեմս տնօրեն Անդրանիկ Զավադյանի, որը գործում է կանոնադրության հիման վրա, մյուս կողմից, կնքեցին սույն պայմանագիրը հետևյալի մասին.

1. Պայմանագրի առարկան

1.1. Սույն պայմանագրով Կատարողը պարտավորվում է Պատվիրատուի հանձնարարությամբ մատուցել սույն պայմանագրի 1.2 կետում նշված ծառայությունները, իսկ Պատվիրատուն պարտավորվում է վճարել դրա համար:

1.2 Կատարողը պարտավորվում է մատուցել հետևյալ ծառայությունները՝

Վեբ կայքի և տվյալների կառավարման համակարգի սպասարկում

- Տեքստերի ֆորմատավորում
- Լուսանկարների, բաներների և աֆիշների թվայնացում
- Նյութերի (աուդիո, վիդեո, նկարներ և այլն) մուտքագրում
- Յուրաքանչյուր տեսակի խափանման վերացում
- Տվյալների շարունակական թարմացում
- Կայքում նոր բաժինների և ենթաբաժինների ավելացում

1.3 Ծառայությունների մատուցման ժամկետն է 01.01.2018թ. մինչև 31.12.2018թ.:

1.4 Ծառայությունները մատուցված են համարվում Պատվիրատուի կամ նրա լիազոր ներկայացուցչի կողմից հանձնման- ընդունման ակտի ստորագրման պահից:

2. Կողմերի իրավունքները և պարտավորությունները

2.1. Կատարողը պարտավոր է՝

1) Ծառայությունները մատուցել պատշաճ որակով.

2) Ծառայությունները մատուցել ամբողջ ծավալով, սույն պայմանագրի 1.3 կետում նշված ժամկետում կամ ժամկետից շատ՝ Պատվիրատուի համաձայնությամբ.

2.2. Պատվիրատուն պարտավոր է վճարել սույն պայմանագրի 3-րդ կետում նշված գնին համապատասխան, Ծառայությունների եռամսյակային հանձնման և ընդունման ակտի ստորագրման պահից 3 (երեք) աշխատանքային օրվա ընթացքում:

2.3. Պատվիրատուն իրավունք ունի՝

2.3.1. ցանկացած ժամանակ ստուգել Կատարողի Ծառայությունների ընթացքը և որակը՝ առանց միջամտելու նրա գործունեությանը.

2.3.2. մինչև ակտի ստորագրումը՝ ցանկացած ժամանակ հրաժարվել պայմանագիրը կատարելուց՝ Կատարողին վճարելով սահմանված գնի այն մասը, որը համապատասխանում է մինչև պայմանագրի կատարումից հրաժարման մասին տեղեկություն ստանալը մատուցված Ծառայությունների չափին:

3. Պայմանագրի գինը և հաշվարկների կարգը

3.1. Սույն պայմանագրի կնքման պահին ծառայությունների մատուցման գինը կազմում է՝ 420 000 (չորս հարյուր քսան հազար) ՀՀ դրամ,

4. Կողմերի պատասխանատվությունը

4.1. Սույն պայմանագրի 1.2 կետում նշված Ծառայությունների մատուցման վճարման ժամկետների խախտման համար խախտող կողմը մյուս կողմին վճարում է տուգանք՝ կետանցի յուրաքանչյուր օրվա համար 0,1 տոկոսի չափով:

4.2. Եթե Կատարող կողմը չի մատուցել սույն պայմանագրի 1.2 կետում նշված ծառայությունները կամ այն մատուցել է ոչ պատշաճ որակի, ապա պարտավորվում է 5 (հինգ) օրյա ժամկետում անհատուց կերպով ավարտել պայմանագրում սահմանված աշխատանքները կամ վերացնել թերությունները:

Աշխատանքների կատարման ժամկետը խախտելու և աշխատանքները ավարտին չհասցնելու դեպքում Կատարողը պարտավորվում է Պատվիրատուին վճարել տուգանք պայմանագրում սահմանված գնի 0,1 տոկոսի չափով կետանցի յուրաքանչյուր օրվա համար:

4.3. Տույժի վճարումը կողմերին չի ազատում իրենց պարտավորությունները կատարելու և խախտումները վերացնելու պատասխանատվությունից:

5. Անհաղթահարելի ուժի ազդեցությունը (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագրի կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն

պայմանագրով սահմանված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծարել պայմանագիրը՝ այդ մասին նախապես տեղյակ պահելով մյուս կողմին:

6. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է դատարանի քննությանը:

7. Եզրափակիչ դրույթներ

7.1. Սույն պայմանագրում ցանկացած փոփոխություն և լրացում վավեր է, եթե դրանք կատարված են գրավոր ստորագրված կողմերի լիազոր ներկայացուցիչների կողմից:

7.2. Սույն պայմանագիրը կազմված է հավասարազոր երկու օրինակից: Յուրաքանչյուր կողմին տրվում է մեկ օրինակ:

8. Կողմերի հասցեները, քանակային վավերապայմանները և ստորագրությունները

ՊԱՏՎԻՐԱՏՈՒ

ՀՀ առողջապահության նախարարության
«Ակադեմիկոս Ս.Ավդալբեկյանի անվան
առողջապահության ազգային ինստիտուտ»
ՓԲԸ

Հասցե՝ ք. Երևան, Կոմիտաս 49/4
Բանկ՝ «ՀԱՅԷԿՈՆՈՄԲԱՆԿ» ԲԲԸ,

ԿԱՏԱՐՈՂ

«Մեգապոլիս Լաբ» ՍՊԸ

Հասցե՝ ՀՀ Ք.Երևան, Մազմանյան 5/9-74
Բանկ՝ «Ամերիաբանկ» ՓԲԸ

h/h 1570026179650100

ՀՎՀՀ 01275939



Ա. Բազադյան



Ա. Զավադյան